



Bosnia and Herzegovina
Federation of Bosnia and Herzegovina
CANTON SARAJEVO
Management of the Merchandise Reserves

Broj: 01-25-294-10/22
Sarajevo, 21.06.2022. godine

Na osnovu člana 26. Zakona o robnim rezervama Kantona Sarajevo, i na osnovu člana 22. i 23. stav 1. Zakona o namještenicima u organima državne službe u Federaciji Bosne i Hercegovine, a u vezi sa članom 16. Uredbe o postupku prijema u radni odnos u javnom sektoru na teritoriji Kantona Sarajevo, kao i na osnovu Zapisnika o radu Komisije za sprovođenje internog oglasa za radno mjesto viši referent-blagajnik broj: 01-25-294-9/22 od 15.06.2022. godine, direktorica Direkcije za robne rezerve Kantona Sarajevo, d o n o s i:

RJEŠENJE

I

Okončava se procedura popune upražnjenog radnog mjesta putem internog oglasa za prijem namještenika u radni odnos na neodređeno vrijeme za radno mjesto viši referent-blagajnik u Direkciji za robne rezerve Kantona Sarajevo, a koji je objavljen u dnevnom listu Oslobođenje 03.06.2022. godine i isti dan objavljen na oglasnoj ploči Kantona Sarajevo.

II

Radno mjesto viši referent-blagajnik u Direkciji za robne rezerve Kantona Sarajevo se ne može popuniti putem internog oglasa, jer nema prijavljenih kandidata koji ispunjavaju uslove tražene internim oglasom.

III

Popuna radnog mjesta referent-blagajnik u Direkciji za robne rezerve Kantona Sarajevo izvršit će se putem javnog oglašavanja.

IV

Ovo Rješenje objavit će se na oglasnoj ploči Kantona Sarajevo najkasnije u roku od 3 dana od dana donošenja.

OBRAZLOŽENJE

Dana 03.06.2022. godine, Direkcija za robne rezerve Kantona Sarajevo, je u u dnevnom listu Oslobođenje i na oglasnoj ploči Kantona Sarajevo, objavila interni oglas za prijem namještenika u radni odnos na neodređeno vrijeme za radno mjesto viši referent-blagajnik.

Pravo prijavljivanja na ovaj interni oglas imali su samo namještenici koji su već uposleni u organima državne službe na svim nivoima Federacije Bosne i Hercegovine.

Komisija za sprovođenje internog oglasa za radno mjesto viši referent-blagajnik, imenovana rješenjem br. 01-25-294-6/22 od 08.06.2022. godine je dana 15.06.2022. pristupila pregledu

blagovremeno pristiglih prijava na interni oglas. Uvidom u pristigle prijave, Komisija je utvrdila da su se na interni oglas prijavile dvije kandidatkinje, i to Alma Krznarić i Samra Kulenović, te da su obje prijave nepotpune, odnosno da prijavljene kandidatkinje nisu dostavile potpuno traženu dokumentaciju internim oglasom.

Imajući u vidu naprijed navedeno, Komisija za provođenje internog oglasa za prijem namještenika u radni odnos na neodređeno vrijeme nije mogla utvrditi listu kandidata koji ispunjavaju sve uslove iz internog oglasa, te je utvrdila listu kandidata koji ne ispunjavaju uslove, a shodno odredbama člana 22. Zakona o namještenicima u organima državne službe u Federaciji Bosne i Hercegovine.

Budući da je Komisija utvrdila da se na interni oglas za prijem namještenika u radni odnos na neodređeno vrijeme za radno mjesto viši referent-blagajnik u Direkciji za robne rezerve Kantona Sarajevo, objavljen u dnevnom listu Oslobođenje 03.06.2022. godine i isti dan objavljen na oglasnoj ploči Kantona Sarajevo, nisu prijavili kandidati koji ispunjavaju uslove po internom oglasu, primjenom odredbi člana 22 i 23. stav 1. Zakona o namještenicima u organima državne službe u Federaciji Bosne i Hercegovine, odlučeno je kao u dispozitivu.

Pouka o pravnom lijeku: Protiv ovog rješenja može se izjaviti žalba Odboru za žalbe u roku od 8 (osam) dana od dana prijema ovog rješenja, putem Direkcije za robne rezerve Kantona Sarajevo.



Dostaviti:

1. Prijavljenim kandidatkinjama
2. Na oglasnu ploču Kantona Sarajevo
3. Komisiji za provođenje internog oglasa
4. A/a